

Predigt zur Gönzheimer Kerwe 2023

Eine Predigt zu Jes. 29,17-24 von Pfarrer Simon M. Krug

Ihr liewe Leit, jedzd is mol wieder Predischt-Zeit.

De Parre schdeht im Winzerkittel do un fängt mol wieder es Dischde o.

Ob pälzisch oder rhoihessisch, bei mir gibt's e Mischung,
damit werd isch doch hoffentlich ferdisch?

Isch hab mer lang Gedanke gemachd, was ich Euch heit sage, nachgedacht,
So möcht' isch heit en paar Gedanke mit Euch deile,
des ohne Zeitdruck und hoffendlich ach ohne Langeweile.

Lieb, frech oder provokant,
hoffendlich is mir später bei derre Predischd keener fortgerannt?
Un wenn sisch später jemand über mei Predischd ärgere deed,
muss ich jedzd schun sage: Es dud mir leed!

Ich bin halt mol en bissje extra locker, lachen dirfe ner, aber fallt mehr net vom Hocker!
E Predischd is halt ach emol zeitgemäß. Ich bemüh mich werkllich: Ich erzähl Euch keen Käs.

E' Red uff die Kerch, bin isch doch ned ganz überzwersch:
do hod ma efach de Kerch ihrn Geburdsdach,
vum November nach vorne gezoge uff en scheene Sommerdach.

Was solls ihr Leit, genne mer uns hald die Freud,
Scheener isses doch im Summer zu feiere,
als im kalten Winter bei de Kerwe mit Gliwoi rumzueiere.

Unser Kerch, des is doch klar, sie g'herd zum Dorf, do wo sie immer war.
Doch die Zeite ännern sich, ihr liebe Leut, und des is ned immer e Freud.
Ach bei mir, die Leit aus de Kerch rausgehn, um Steuern zu spare
oder manche wegem Papschd, des kann isch persönlich also doch werkllich ned verschdehn.
Was hän mir Prodeschande denn mit dem Papschd zu due,
mir hän doch keen Papschd, devor unsre Ruh?

Vielmehr: Mir sin doch Christeleut, befreit und fröhlich im Glauben, so wie auch heut.
Es kimmt immer druf an, was man fokussiert,
Was man fer wischdisch nemmd und net lamendierd.
So liegts doch bei uns, was mer aus dere Welt dann mache,
aus de Kerch, unserer Gesellschaft, aus so viele Sache.

Und des ebe is widder die anner Seit, dass mer sache kennen, was eben ned so gut läufd.
Ach ned die Händ in de Schoß zu lege, zusammen mitenanner neue Wege zu gehe.
Überwindung und eben Offenheit, das brauchts dafür, ihr liewe Leit.

Do steh isch defür, bei allem was schwierig is,
vorwärts zu gucke un ned ständig zusammen zu zucke.
Mir häns vorhin gehört, de Prophet Jesaja, ganz verklärt. Verkündigt, predigt und prophezeit:
Ihr missen ufbasse, ihr liewe Leit, uf des, was bassiert in eurer Zeit.

Die Mensche hän schun immer ihre Problemscher g'hat, do nimmt keener vor de Mund e Blatt.
Wartet doch un habt en bissl Geduld, un guckd ned nur uf die, die hän schuld.
Bringt selbschd mol en Lischd in diese Welt, seid selbschd auch im kleinen ein Held,
ein Lächeln, ein liebevoller Blick, ist für viele Menschen schon ein großes Glück.

Den nächschde zu liebe, fällt viele Leit schwer, sich selber zu liebe noch viel, viel mehr.
Dafür is doch de Jesus in die Welt gekomme, um de Menschen Gottes Lieb zu zeige,
ganz uneingenomme.
Der is gegange zu de verkelte Leit, zu dene, für die keener hadde mol e bissel Zeit.
Do drum geht's, sich immer besinne: Is des, was ich tu, auch in Jesu Sinne?

Ihr Leit, ich weeb, des is monchmol schwer, do fühl'd man sich gefange wie en Bär,
sich selbschd was zu genne, entspanne, genieße, mid nem gude Buch auf ner schönen Wiese.
Beim Yoga, Beten, Meditieren eefach zu soi, vorm liebe Gott, so wie er uns schuf,
so wie er uns ins Leben ruf.

Sich selbschd zu liebe, des hab ich gesagt, geht oft nur, indem man neue Wege wagt.
Zu nehme monchmol en neue Blick, un ned direkt schon wieder schau'e zurück.
Des is e Botschaft, so efach sie klingt, zu unserem Ausgangspunkt sie wieder uns bringt.
Zu de Kerch, dass mir die hen is doch ganz wunderbar.
Dass mir Mensche en Ort für uns brauche, is doch ganz klar.

Gemeinschaft, Hoffnung, Liebe vertrauen, gemeinsam lasst uns an diesem Ziel noch bauen.
Die Hoffnung hab ich doch, dass des uns gelingt, dass man in unserer Kerch
in 100 Jahr noch lacht und singt.

De Jesaja sagt jo: Die Zeite wern annere soi, deswegen nehm ich des Peifel moi,
und nehm ganz heimlich en kleene Schluck, vom gude Woi und bloß ned ruckzuck.

So ruf ich Euch zu, ihr liewe Leid, vorbei is nun mei Predischdzeit:
Der Martinskerch in unserem scheene Ort, der sagen mir e scheenes Wort:
Der liebe Gott möge sie stets erhalten, uns selbst zur Freud, den Jungen und Alten.

Zum Wohl!